





915302—
—915331 III

Mag. St. Dr.







945305

III

R. P. D.

M O L I N O

Cracovien. Canonicatus.

Luna 7. Maii 1753.

CANONICATUS Cathedralis Ecclesiae Cracoviae,
quem anno 1710. in mense *reservato* vacatum a Da-
taria Apostolica tamquam liberum assequutus fuit
Franciscus Szembek, indeque per ejus obitum anno 1724.
eodem *libertatis* Jure sibi conferri obtinuit *Martinus Ze-*
romski; ac tandem anno 1742. ex libera permutatione
A cum

cum Archidiaconatu, dimissione facta a dicto Martino in manibus Ordinarii, sub pari libera collatione adeptus fuit Michael Kunicki jamdudum hujus Ecclesiæ Canonicus: Cum per hujus ultimi Possessoris obitum anno 1751. in mense Novembris Apostolicæ Sedi reservato iterum vacare contigerit, de eo a Sanctissimo juxta regulam 9. Cancellariæ provideri obtinuit Felix Turski, cujus etiam signatæ supplicationis relaxationem decrevit R. P. D. Datarius in contradictorio Stanislai Zboinski, qui ad impediendam expeditionem Litterarum favore d. Felicis, collationem Canonicatus ex nominatione Serenissimi Poloniarum Regis sibi factam opposuerat, ejusque inde captam possessionem allegaverat.

- 2 At cum dictus Felix Turski intra terminum sex mensium, in Datarie Edictis Statutum litterarum suæ provisionis expeditionem neglexerit, ejusdem Canonicatus provisionem pariter de reservato a Sancta Sede reportavit Comes Melchior Gurovski, a quo desuper expeditis suæ provisionis Litteris, unacum exequutorialibus directis A.C. Paraciano, prodiit Sententia illarum decernens exequutionem; De cujus Sententiæ viribus cum ob appellationem a Stanislao Zboinski ad nostrum Auditorium interpositam dubitatum hodie fuerit sub Dubio = An sit procedendum ad Legitimam exequutionem Litterarum Apostolicarum? responderunt Patres = affirmative.
- 3 Litteræ enim Melchiorris Gurovski compertæ sunt in omnibus verificate, & potissimum in pertinentia provisionis controversi Canonicatus ad Sanctam Sedem, tamquam profluente ex innegabili facto vacationis in mense Novembris, juxta Cancellariæ regulam 8. hodie 9. Datarie Apostolicæ reservato; Cum autem in hoc steterit præcipuum gratiæ fundamentum, & de eo unice contentio sit, sequitur, quod hoc uno justificato, juste decreta fuit Litterarum hujusmodi celeris, & expedita exequutio; ad Text. in cap. Si capitulo, ubi gloss. verbo exequatur, de concess. præbend. in 6. Rota in Mindonien. Beneficii 20. Januarii 1747. §. 2. coram R. P. D. meo Caprara, & in Leodien. Beneficii 5. Maii 1751. §. 3. coram R. P. D. meo Elephantutio.
- 4 Quin præmissorum justificatio excludi valeat, ex quo res non sit de Canonicatu Libere Collationis, & ideo subiecto regulæ reservatorie Mensium, sed de Canonicatu cum sua præbenda spectante ad Regiam nominationem, & Juripatronatui Regio subiecto, ac propterea exempto ab omni, & quacumque Apostolica reservatione, & signanter a reservatione ex dicta regula nona Cancellariæ ob vacationem in mense Apostolico: Card. de Luc. de Jurepatr. dccif. 6. num. 24. Rot.

Rot. decis. 100. num. 4. part. 12. post Piton. contröv. Patron. allegat. 48. num. 52. & 77. coram Pamphilio decis. 589. num. 2. in Vicen. Beneficii 17. Februarii 1713. §. E converso, cor. clar. mem. Card. Aldrovando.

- 5 Quandoquidem in hoc possessorio Judicio, quale reputatur illud exequutionis Litterarum Apostolicarum super provisione tamquam de libero, non nisi de momentanea possessione, deque ultimo statu rationem habere oportet, quem pro decernenda Litterarum Apostolicarum exequutione, unice attendendum esse, monet notissima regula deprompta ex cap. Consultationibus de Jurepatranat. de qua latissime *Rota decis. 179. num. 8. coram Herrera, decis. 247. num. 2. coram Molines, in Calven. Beneficii 8. Martii 1748. §. 14. coram Me; & in Posnanien. Parochialis super Institutione 16. Januarii 1750. §. 4. pariter coram Me.*
- 6 Apertissime autem militat ultimus status pro libertate hujus Canonatus, & exclusione Patronatus Regii, quia Patronatus servituti adversatur postrema illius collatio favore *Michaelis Kunicki* ultimi possessoris *sub annum 1742.* libere facta per Eminentissimum Cracoviæ Ordinarium uti Sanctæ Sedis Indultarium, qui eo tempore facta permutatione cum Archidiaconatu liberam hujus Canonatus resignationem emissam a dicto *Martino Zeromski* receperat: in qua quidem collatione nulla facta fuit mentio Regii Patronatus, nec ulla penitus Serenissimi Regis presentatio, aut nominatio, vel consensus intercessit; Statim ac igitur constat ultimum Statum favere libertati Canonatus, nil proponitur, cur subsequens provisio ad tramites precedentis tamquam de libero, ac S. Sedi reservato facta, substineri non debeat; ut passim resumpta præmissa regula circa libertatem ab ultimo Beneficii statu desumendam, ratiocinatur *Rota decis. 113. num. 7. coram Kaunitz decis. 592. num. 7. & 10. coram Crispo, decis. 83. num. 9. & seq. & decis. 95. num. 12. coram Eminentissimo Tanario, in Lucana Beneficii 20. Januarii 1747. §. 3. coram R.P.D. Clemente, & 30. Junii 1747. §. 3. coram R.P.D. meo Caprara.*
- 7 Eoque securius inhærendum erat ultimo statui, cum eidem conformes sint alii duo ex ordine præcedentes *annorum 1710. & 1724.* in quorum primo idem Canonatus uti vacans in mense Apostolico, sine ullius Patronatus mentione, nullaque intercedente Regis nominatione tamquam liber collatus fuit *Francisco Szembek*, qui usque ad obitum illum retinuit, & in secundo post istius obitum ad nominationem Eminentissimi Cracoviæ Episcopi Sanctæ Sedis Indultarii libere de eo provisos fuit per Reverendissimum Nuncium *Martino Zeromski*, qui ob detentionem incom-

patibulum novam a Sancta Sede obtinuit hujus Canonica-
tus provisionem cum dispensatione, nulla exhibita præsen-
tatione, aut consensu Serenissimi Regis, nec ulla Regii
Patronatus facta mentione: Hinc si in hodierno Judicio
ultimus status sperni non posset, etiam si ei adversarentur
præcedentes collationes, *Piton. contr. Patronor. alle-
gat. 100. num. 294.*, *Rota in Leodien. Beneficii 5. Maii*
1751. §. 7. cor. R. P. D. Elephantutio, potiori Jure in hypo-
thesi inhærendum est ultimo statui, cui reliqui præceden-
tes conformes sunt; *Rota decis. 35. num. 2. tit. de Jure-
patron. coram Falconer.*, *in dicta Lucana Beneficii 20.*
Januarii 1747. §. 3. coram R. P. D. Clemente, & *in Pos-
nanien. Parochialis super Institutione 16. Januar. 1750.*
§. 7. coram Me. Semperque fortius quoties status prædicti
stant pro libertate Beneficii, & servitutis exclusione, &
eis proinde urgentissima favet etiam Juris præsumptio:
*Cap. Cum venerabilis num. 9. de exception. Piton. con-
tr. Patron. allegat. 97. numer. 1. Rota coram Falconer.*
decis. 55. tit. de Jurepatron. num. 10., & *in Leodien.*
*Beneficii 5. Maii 1751. §. 4. coram R. P. D. meo Ele-
phantutio.*

8 Quin Regius Patronatus mutuari queat ex eo, quod licet post
dimissionem controversi liberi Canonici factam anno
1742. per Martinum Zeromski libere collatus iste fuerit
Michaeli Kunicki, illico tamen accedente consensu
Eminentissimi Ordinarii promotus, ac translatus fuerit ad
aliud Canonicatum *Fundi Gorska* Jurispatronatus Regii
tunc temporis pariter vacantem per obitum *Gasparis*
Szczepkovski, qui itidem ad Regiam nominationem il-
lum obtinuerat ab anno 1721. Proindeque cum ex tali per-
mutatione, & translatione dictus *Michael* assequutus fue-
rit Canonicatum *Fundi Gorska*, super quo tum ex præ-
missis, tum ex aliis Juribus comprobatur Patronatus Re-
gius, data hodie istius vacatione nonnisi ad Regis gratiam
ejusque nominationem conferri poterat.

9 Prolata siquidem translatio, ac subrogatio expleta Anno 1742.
nec in littera, nec in substantia præferre visa fuit tituli
Canonicalis permutationem de persona in personam, nec
Titularium translationem de uno Canonicatu ad aliud;
Sed firma remanente utriusque Titularis Canonica provi-
sione super diverso Beneficio primariam suam naturam li-
bertatis & respectivè servitutis utroque retinente, nempe
quoad *Cajetanum Soltyk* ex Regia gratia de Canonicatu
vacato per fata *Gasparis Szczepkovski*, & quoad *Mi-
chaelem Kunicki* ex libera Ordinarii collatione de Canoni-
catu vacato per dimissionem, & resignationem factam per
Martinum Zeromski, firmoque insimul manente prædicto
utriusque provisi spirituali titulo, unice præferre permu-
ta-

13.

tationem temporalis Præbendæ, seu translationem Fundi, ac bonorum de uno Canonatu ad alium.

- 10 Porro si inspicatur Regium Diploma sub datum *Dresdæ* 13. *Menfis Augusti* 1742. , quo Rex consensum præstitit tunc translationi Fundi *Gorska* pertinentis ad Canonatum sui Regii Patronatus ad alium quemcumque indefinite Canonatum arbitrio Eminentissimi Episcopi designandum, tum subrogationi alterius Fundi cum eo permutandi, evidentissime emergit, actum fuisse de permutanda bonorum temporalis præbendæ, ac de transferendo ab uno Canonatu ad alium materiali Fundo distinctim expesso, ac enunciato tamquam diverso à Canonatu, ejusque Spirituali titulo, à quo, & ad quem respective tamquam terminum facienda erat commutandi, ac subrogandi Fundi translatio ibi = *Sig. nificamus Nos consentire, & permittere Episcopo Cracoviensi, ut possit FUNDUM nuncupatum Gorska spectantem AD Canonatum NOSTRI Juris patronatus Regii post fata Gasparis Szczepkowski vacantem, ALTERI Canonatui applicare, & pro alio fundo eidem Episcopo BENEVULO commutare.*

- 11 Idemque summam exprimitur in summariolo, dicto Regio diplomati adiecto = ibi = *Facultas FUNDUM GORSKA SPECTANTEM ad Canonatum Cracoviensem post fata Ver. Szczepkowski vacantem, ALTERI Canonatui applicandi.* Cum autem fundus, ac temporalis præbendæ bonorum pro dote Canonatus constituta res sit propemodum diversa separata, ac distincta à Canonatu, ejusque Spirituali titulo, utique à relata fundi temporalis ab uno Canonatu mutatione, ac illius applicatione alteri Canonatui, inferre non licet ad permutationem Canonici, ac Spiritualem tituli; maxime dum istorum titulus litteraliter fuit expressus tamquam terminus à quo, & ad quem facienda erat temporalis præbendæ, ac laicalis fundi translatio; ad text. in cap. relatum, & in cap. dilectus de præben., cap. cum inter, de renunc. Lotter. de re Benefic. lib. 1. quæst. 19. numer. 8., Rota in recen. decis. 608. numer. 18. par. 5. & decis. 374. numer. 5. par. 9. tom. 2.

- 12 Neque diversa natura comperiebatur Actus permutationis dicti Fundi *Gorska* cum alio Fundo, ejusque translationis à Canonatu Regii Patronatus tunc vacante ad alium diversum, & distinctum; dum sub diem 3. Septembris 1742 = in publico hujus permutationis, ac applicationis actu, seu ejusdem actus publico Instrumento notum fecit Eminentissimus Ordinarius = *Se Michaellem Kuniki Canonicum* (qui Canonatum liberæ collationis per Martinum Zeromski dimissum, & resignatum ab ipso Ordinario libere obtinuerat) *DE Fundo Doiazdou nuncupato IN Fundum Gorska per olim Gasparem Szczepkowski possessum, vigore consen-*

*sus S. Regie Majestatis dicti Canonatus, & Præbendæ
sui Fundi Gorska legitimi Patroni, transulisse, & El-
dem dictum FUNDUM Gorska applicasse = ut in Sum.
Stanislai numer. 20.*

13 Idque magis confirmabatur ex ea urgentissima circumstantia
quod sub eadem die 3. Septembris 1742. qua Eminentis-
simus Episcopus peregit hanc fundi, ac temporalis præben-
dæ permutationem, ac respectivam translationem, idem
ipse Ordinarius Canonatum Regii Patronatus vacatum
per mortem Gasparis Szczepkovski, (qui ex Regia no-
minatione jam illum possederat) ex gratia pariter, &
præsentatione ejusdem Regis legitimi Patroni contulit Ca-
jetano Soltyk; alius verò, de quo nunc agitur, jam libere
collatus fuerat Canonico Michaeli Kunicki, per cujus obi-
tum nuper vacavit, itaut quatriduo post jam factam permu-
tationem Fundi Gorska prius ad Canonatum Regium
Spectantis, illiusque translationem AB isto AD Canonica-
tum jam libere collatum dicto Michaeli, præfatus Cajeta-
nus Soltyk possessionem sui Canonatus Regii per obitum
Gasparis vacati adeptus fuerit, tamquam sibi ex regia gra-
tia, ac nominative collati; ut pondit possessionis hujusmo-
di Monumentum sub datum diei 7. Septembris dicti Anni
1742. referens Canonatus hujusmodi collationem ex re-
gia nominatione factam ab Ordinario dicta die 3. dicti
Septembris per hæc verba ibi = R. D. CAIETANUS Sol-
tyk ad Canonatum per obitum GASPARIS Szczepkovs-
ki immediati possessoris vacantem, auctoritate Ordinaria
vigore GRATIARUM à S. Regia Majestate sibi concessa-
rum INSTITUTUS productis litteris Institutionis IN
DATA DIEI III. Mensis Septembris, Anni currentis
expeditis, manu Eminentissimi Episcopi subscriptis, in
præfatum Canonatum installari postulavit = cui petitioni
Regii Præsentati, ac ab Ordinario provisi coheret realis
possessio ea die per Capitulum tradita. Quorum omnium
documentum erat in Sum. Stanislai num. 16.

14 Profecto utrumque actum hujusmodi sub EADEM die 4.
Septembris gestum infimul conferendo, ad evidentiam pa-
tet, quod primus continens tum translationem Fundi Gor-
ska constituentis temporalem præbendam Regii Canonica-
tus tunc vacantis, ad Canonatum liberæ collationis tunc
collatum Michaeli Kunicki, tum subrogationem alterius
Fundii factam Canonatui Regio, neutiquam continere
potuit permutationem Spiritualis, & canonici tituli horum
Beneficiorum. Nam si idem ipse Canonatus Patronatus
Regii, à quo facta fuit avulsio Fundi Gorska, & cui alteri-
us temporalis Fundi expleta fuit subrogatio, quoad Cano-
nicum, & Spirituale titulum [ad Regiam nominationem,
uti vacans per obitum Gasparis Szczepkovski collatus fuit

CAIETANO Soltik, negari nequit quin Canonicatus iste subiectus remanserit primævo Patronatui, & super eo illæsa, & intacta extiterint Iura Serendissimi Regis; & quin alter Canonicatus à Martino Zeromski dimissus jam libere collatus MICHAELI kuniki, & ex relata temporalis Præbendæ permutatione ad eptus Fundum Gorska, in suo primæva libertatis statuquoad titulum permanferit, alias per absurdum dicendum esset, vel quod unus, & idem Canonicatus fuisset eodem tempore quoad titulum uni collatus, & ab eo adhuc retentus ex regia nominatione, & insimul libere possessus ab altero, qui accepit temporalis præbendæ, ac Fundi Gorska permutationem, & applicationem: vel quod firmo manente Patronatu Regio super Canonicatu ad Regis nominationem collato, & in casu futuræ vacationis ad ejus gratiam conferendo, qualitas hæc patronalis ad alium liberum Canonicatum æquo Iure extensa fuisset ob receptam applicationem temporalis fundi ad Regium Canonicatum prius spectantis; contra regulam text. in L. posside-ri §. ex contrario ff. de acquir. vel emitt. posses. Rot. decis. 55. numer. 3. tit. de Miscell. cor. Falconer. decis. 102. numer. 3. cor. Herrera, & in Vilnen. Bonorum 3. Decembris 1736. §. 7. coram R. P. D. meo Vicecomite,

- 15 Rectius itaque est, ut consentaneè id præfatos Actus, opposita translatio Ordinarii authoritate, ac prævio Regio Assensu peracta, nonnisi bona Temporalia, & Beneficii mansum respexisse dicatur; itant Michael Kuniki per temporalis Præbendæ sui Canonicatus cessionem, ac permutationem cum Fundo Gorska ad alium Regium Canonicatum prius spectante, nullatenus immutaverit titulum sui Canonicatus liberæ collationis, quem adeptus fuerat per dimissionem Martini Zeromski: Minusque Caietanus Soltik titulum Regii Canonicatus dimiserit; cum absoluti Juris sit, quod dimissa, ac permutata Præbenda temporalis, Spiritualis titulus Beneficii, nec immutatus, nec dimissus censeatur, ut tradunt Io: Andrea in cap. fin. sub numero 2., Ancoran. ibid. col. 2. in principio vers. Præterea de consuetud. in 6; Cassador. decis. 17. in principio de Præbend., Gonzalez. ad Regul. 8. Cancellar. Gloss. 34. num. 51., & seqq., Lotier. de Re Benefic. lib. 1. quæst. 19. num. 30., Rota decis. 10. sub num. 2. de Præben. in antiq. decis. 2528. num. 5., & 6. coram Coccino, decis. 273. num. 4. coram Mantica, & in Recut. decis. 391. num. 3. part. 19.; potissimum cum littera, & natura actuum de hac fundorum mutua permutatione superius relatorum apertè demonstret, rem fuisse de Fundis, ac temporalibus bonis ab ipso Spirituali Beneficii Jure, eiusque Canonico titulo distinctis, & separabilibus, quam distinctionem, & diversitatem suadet etiam ipsa Juris præsumptio, juxta quam temporale bonorum mansum,
- & la.

& Iudicialis Fundi Præbenda semper à Spirituali, & Canonico Ecclesiastici Beneficii titulo distincta censetur, ad *Text. in cap. Quia sanè versic. Nisi Dignitati de Præben. in 6. ; Litter. de Re Benefic. libr. 1. quest. 19. num. 29. ; Tondut. resolut. Benefic. cap. 110. num. 28. ; Adden. ad Gregor. decis. 478. sub num. 6. ; Rota decis. 450. num. 1. ; & 2. coram Pania, decis. 40. num. 2. coram Rembold. ; & in Salernitana Canoniciatus 1. Martii 1734. §. Et sanè coram Eius Cardinali Crescentio.*

16 Quin præmissis obstare valeat Capitularis Possessio tradita, *Michaeli Kuniki sub diem 15. Septembris 1742. in vim translationis, seu applicationis sibi factæ de Fundo Regio Gorska, ex quo erui contendebatur, præter Fundi, ac bonorum permutationem assequutum fuisse etiam titulum Canoniciatus Regii Patronatus, dum ea die in vim prædicti Regii Assensus, ac per Ordinarium jam decretæ permutationis, suæque translationis ad Fundum prius spectantem ad Canoniciatum Regii Patronatus, obtinuit Stallum in Choro dextro sibi assignari, cum plenitudine Iuris Canonici;* Actus enim huiusmodi quatenus concernit Capituli adprobationem permutationis Canonici Fundi, & translationis *Michaelis Kuniki* à suo fundo Dajazdouu ad hunc Regium Fundum uti suo Canoniciatui jam prius sibi liberè collato applicatum, tamquam præmissis Actibus perdissequus, & famulativus illorum limites, qualitatem, & naturam excedere non potest; Idedque si Regius Assensus, ac permutatio Fundi ab Ordinario Decreta nil ultra præter temporalem bonorum translationem, ac mansi permutationem continent, quidquid in horum executionem sub quavis formula, ac verborum amplitudine expleum fuit, intra limites, naturam, & qualitatem Actus executioni commissi interpretari debet.

17 Traditio verò certi Stalli, & Canonici Sedis in Choro assignatæ ipsi *Michaeli* cum plenitudine Iuris Canonici, tribuenda est, *vel* Juri Canoniciatus sibi paulò antè liberè collati per factam illius dimissionem à Martino Zeromski, *vel* Juri, ac Ordini Antianitatis, cujus vigore Stallum vacans per obitum Gasparis Szczepkovski Possessorem Canoniciatus Fundi Gorska, impleri debuerat per *Michaelem Kuniki* jam dudum Canonicum Cracoviensem, tamquam Seniore; potissimum cum non constet Fundo Gorska adnexum fuisse certum Stallum, multòque minùs certo Stallo fuisse dependentem Regium Canoniciatum, quem de cætero constat jam sub diem 3. ejusdem Mensis Septembris ad Regis præsentationem fuisse collatum *Cajetano Solt yk* & altera die 7. ipsius Mensis plena Possessione ab eo assequutum = Cum assignato Stallo in Choro Loco in Capitulo, & plenitudine Iuris Canonici, juncta semper ea circum

cumstantia, quod hæc *Regii Canonatus* collatio fuit *contemporanea*, & cum abscissione ab eo sui Fundi Gorska, & alterius Fundi subrogatione expleta *sub ea ipsa die 3. Septembris*; Subsequuta verò Possessio capta per Cajetanum *de Regio Canonatu* posterior fuit dictæ temporalis Fundi abscissioni, *ut suprâ notatum est § 13.*

- 18 Nullius tandem efficacæ reputandum erat Testimonium hodierni Episcopi Cracoviensis, quatenus ex eo comprobari contendebatur, non alium adesse in Cathedrali Cracoviensi Canonatum Fundi Gorska Regio Patronatui subjectum, quam qui *Anno 1742.* collatus fuit *Michaeli Kuniki*, quique ab eo usque ad obitum possessus modo vacavit, ad Regis nominationem collatus *Stanislae Zboinski*. Siquidem prior pars dicti Testimonii historicè referens *factum* permutationis, & translationis Fundi Gorska à *Canonatu* Regiæ nominationis *ad alium* liberum Canonatum, mirificè comprobat, quod suprâ constabilitum fuit, optimè distinguens Spiritualem *Titulum Canonatus* tunc ad Regis nominationem collatum *Cajetano Soltyk*, a temporali bonorum Præbenda permutata cum Fundo *alterius liberi* Canonatus, & applicata Canonatui jam tunc liberè obtento, ac possesso à Canonico *Michaeli Kuniki*, ibi = *Licet post obitum Gasparis Szezepkovski de Anno 1742. CANONICATUS Fundi Gorska CAJETANO Soltyk ad præsentationem REGIÆ MAJESTATIS collatus, locusque in Choro, & Capitulo assignatus fuerit: PRÆBENDAM tamen prædicti Fundi Gorska Antecessor noster MICHAELI Kuniki, & Præbendam Zeravoska CAJETANO Soltyk applicavit, & contulit.*


- 19 Altera verò pars ejusdem Testimonialis Moderni Episcopi, in qua sub propria erronea opinione asserit, nullum alium esse Canonatum Fundi Gorska Jurispatronatus Regiæ Majestatis, quam qui à memorato *Michaeli Kuniki* ad diem obitus sui possidebatur, non solùm adversatur priori parti sui Testimonii superius conscriptæ, in qua relativè ad naturam controversæ translationis bonorum, ac Fundi permutationis clarissimè retulit, & recognovit Canonatum subjectum Patronatui Serenissimi Regis *Anno 1742.* vacatum per fata *Gasparis Szezepkovski* Regii præsentati *ad Regiam itidem præsentationem collatum fuisse CAJETANO Soltyk*, illius verò Temporalem Præbendam, ac Fundum Gorska translatum fuisse *ad alium* Canonatum liberè collatum *Michaeli Kuniki*, facta Subrogatione Fundi *ZeravvsKa* favore *ipsius Cajetani de Regio Canonatu* ad Regis gratiam provisi: Sed etiam contraria est naturæ ipsius translationis superius enucleatæ, & contemporaneæ collationis Canonatus *Regii* factæ favore *dicti Cajetani*, proindeque erroneè nimis, ac insubsistentèr exposuit Canonica-
- tum


tum Regii Patronatus in Fundo Gorska illum esse, qui usque ad obitum possessus fuit à *Michael*, utpotè qui ex relata bonorum permutatione possedit quidè Fundum Gorska, & non verò Regium Canonicatum, qui non obstante abscissione dicti Temporalis Fundi, & subrogatione alterius, ad ipsius Regis nominationem collatus fuit *Cajetano* super quo Regius Patronatus firmus manere oportet.

- 20 Ex his constito de sola permutatione Fundi Canonialis, scù Temporalis Præbendæ, ex qua controversus Canonicatus plenariæ suæ libertatis Statum minimè immutavit, supervacaneum visum fuit *Dominis*, permutationis nullitates à Melchiorre propositas, ubi ea cecidisset super speciali titulo Canonicatus, ad examen revocare, cum satis ipsi sit ultimos libertatis Status asserre, ut Apostolicæ Litteræ ab eo obtentæ sint executioni demandandæ.
Et ità &c. Utraque &c.

ROMÆ, Typis Rev. Cam. Apost. MDCCLIII.

Superiorum Permissu.






Brutalny
dotychczas
to mych
wspomnień

20.000





B 6008 5

